



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 2/47

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 24 » 01 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Հ. Մարգարյանի կողմից հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 180-րդ հոդվածի 5-րդ մասով նախատեսված վարչական իրավախախտում, մասնավորապես՝ «Արաչ» սահմանափակ պատասխանատվությամբ ընկերության տնօրեն Կարապետ Մանվելի Արաչյանի կողմից Երևան քաղաքի Մոսկովյան փողոցի հ. 31 հասցեում գտնվող օբյեկտում, ժամը 23:00-ից հետո միացված բարձր երաժշտությամբ խախտվել է լռության կանոնները, որի վերաբերյալ 01.12.2022 թվականին կազմվել է վարչական իրավախախտման վերաբերյալ թիվ Ա-000243 արձանագրությունը (հետայսու՝ արձանագրություն):

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Արաչ» սահմանափակ պատասխանատվությամբ ընկերության տնօրեն Կարապետ Մանվելի Արաչյանի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել վերջինիս Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցագիրը մինչ օրս չի վերադարձվել, իսկ «Արաչ» սահմանափակ պատասխանատվությամբ ընկերության տնօրեն Կարապետ Մանվելի Արաչյանը չի ներկայացել Երևանի քաղաքապետարան, ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ «Արաչ» սահմանափակ պատասխանատվությամբ ընկերության տնօրեն Կարապետ Մանվելի Արաչյանի պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչարարության հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 01.12.2022 թվականին կազմված հ. 000243 արձանագրության հիման վրա հարուցված վարչական վարույթը 22.12.2022 թվականի հ. Վ-51/127 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Արաչ» սահմանափակ պատասխանատվությամբ ընկերության տնօրեն Կարապետ Մանվելի Արաչյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել «Արաչ» սահմանափակ պատասխանատվությամբ ընկերության տնօրեն Կարապետ Մանվելի Արաչյանին Երևանի քաղաքապետարանում 17.01.2022 թվականին կայանալիք գործի քննությանը ծանուցելու համար:

«Արաչ» սահմանափակ պատասխանատվությամբ ընկերության տնօրեն Կարապետ Մանվելի Արաչյանը ծանուցված լինելով 17.01.2022 թվականին կայանալիք գործի քննության տեղի և

ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, անհատ ձեռնարկատիրոջ պետական գրանցման վերաբերյալ քաղվածքը, ՀՀ ոստիկանության Երևան քաղաքի վարչության Կենտրոնական բաժնի պետի 31.10.2022 թվականի հ. 11/19885 գրությունը, Երևանի քաղաքապետարանի աշխատակազմի առևտրի և ծառայությունների վարչության աշխատակցի 01.12.2022 թվականի «Արձանագրություն» վերտառությամբ գրությունը, Հայաստանի Հանրապետության ինտերնետով ծանուցման պաշտոնական «azdarar.am» կայքից կատարված քաղվածքները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ «Աբաչ» սահմանափակ պատասխանատվությամբ ընկերության տնօրեն Կարապետ Մանվելի Աբաչյանի կողմից Երևան քաղաքի Մոսկովյան փողոցի հ. 31 հասցեում գտնվող օբյեկտում 30.10.2022 թվականին ժամը 23:00-ից հետո չի ապահովվել լռությունը և գիշերային անդորրը: «Աբաչ» սահմանափակ պատասխանատվությամբ ընկերության տնօրեն Կարապետ Մանվելի Աբաչյանի կողմից ապահովված չէ Երևան քաղաքի ավագանու 16.12.2019թ. N 175-Ն որոշման 1-ին կետով սահմանված պահանջը:

«Աբաչ» սահմանափակ պատասխանատվությամբ ընկերության տնօրեն Կարապետ Մանվելի Աբաչյանի կողմից թույլ է տրվել Օրենսգրքի 180-րդ հոդվածի 5-րդ մասով նախատեսված վարչական իրավախախտում:

2. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 180-րդ հոդվածի 5-րդ մասի համաձայն՝ Առևտրի և ծառայությունների բնագավառում, այդ թվում՝ հանրային սննդի օբյեկտների, ինչպես նաև սահմանափակման ենթակա ծառայության օբյեկտների բնագավառում ծառայություններ մատուցող կամ գործունեություն իրականացնող անձանց կողմից, ըստ տվյալ առևտրի և ծառայությունների օբյեկտի գտնվելու վայրի, համայնքի ավագանու կողմից սահմանված ժամերին (22.00-ից մինչև 7.00-ն, 23.00-ից մինչև 7.00-ն և 24.00-ից մինչև 7.00-ն) լռությունը կամ գիշերային անդորրը չապահովելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկից մինչև երեքհարյուրապատիկի չափով:

Երևան քաղաքի ավագանու 16.12.2019թ. N 175-Ն որոշման 1-ին կետի համաձայն՝ Երևան համայնքի վարչական տարածքում առևտրի և ծառայությունների բնագավառում գործունեություն իրականացնող օբյեկտներում առևտրի և ծառայությունների բնագավառում գործունեություն իրականացնող անձանց կողմից լռությունը կամ գիշերային անդորրն ապահովելու ժամերը սահմանել 23.00-ից մինչև 7.00-ն:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավորված է արգելափակել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշումն ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 180-րդ հոդվածի 5-րդ մասով, 219.1-րդ, 252-րդ, 281-րդ և 282-րդ հոդվածներով, Երևան քաղաքի ավագանու 16.12.2019թ. N 175-Ն որոշմամբ, 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի հ. 2703-Ա որոշումներով՝

ՈՐՈՇԵՑԻ

1. «Աբաչ» սահմանափակ պատասխանատվությամբ ընկերության տնօրեն Կարապետ Մանվելի Աբաչյանի նկատմամբ 22.12.2022 թվականի հ.Վ-51/127 որոշմամբ կասեցված վարչական վարույթը վերսկսել:

2. «Աբաչ» սահմանափակ պատասխանատվությամբ ընկերության տնօրեն Կարապետ Մանվելի Աբաչյանին Օրենսգրքի 180-րդ հոդվածի 5-րդ մասով ենթարկել վարչական պատասխանատվության՝ նշանակելով վարչական տույժ 300.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ
ՎԵՐԱԲԵՐՅԱԼ ԳՈՐԾԵՐԻ ՔՆՆՈՒԹՅԱՆ
ԲԱԺՆԻ ՊԵՏ՝



ԶԱՎԵՆ ՍՄԲԱՏՅԱՆ